

Panis Evangelici Fragmenta Qvadragesimalia Tripartita

Ex sanctissimo Dei Verbo copiosé & sedulo collecta, Sanctorum Patrum,
variorumque Auctorum sententiis & conceptibus mirificè aucta; Et
Omnibus Quidem Anni Dominicis; præcipuè tamen singulis Quadragesimæ
Dominicis & Feriis per binas ad minus, sæpius denas aut septenas
Conciones fideli Populo ...

**Lingendes, Claude de
Coloniae Agrippinae, 1689**

III. Tres alias causas doloris ex eodem Quadragesimæ adventu
prosequitur; tūm ad omnes cujusque status homines orationem convertit.

Nutzungsbedingungen

[urn:nbn:de:hbz:466:1-56333](https://nbn-resolving.de/urn:nbn:de:hbz:466:1-56333)

FERIA QUARTA CINERVVM,
CONCIO TERTIA,
DE IEIVNIO.

Cum jejunatis nolite fieri sicut Hypocrites tristes.

Matth. 6.

DI XIMUS in primâ Con-
cionē ex Chrysost. ieju-
nium Quadragesimale
esse spiritale animarum
ver, & fidissimam tran-
quillitatem animorum;
hodie cum eodem illud
possum adiicere, quod dixit homil 2. in
Genesin: quia igitur nobis quietum, &
tranquillitatis tempus advenit, etiam nos
deducamus in marę doctrinę navigium,
& dicendi vela solvamus, si tamen tran-
quillus & tutus est aurium vestiarum por-
tus, in quo verbi Dei navis, absque metu
naufragii collocetur: aderit ut spero stella
maris, Virgo beata, ad quam recurro, &
nobis flatum Spiritus sancti impetrabit.

A V E M A R I A.

MEMINERITIS, Auditores, dis-
ceptationis & causae, quam subiecti
iudiciis vestris in sanctae Quadragesimae
ingressu, nempe utrum hoc tempore læ-

tandum mihi esse aut dolendum. Eximen-
dum ne me à luctu & lacrymis, aut me ad-
dicendum tristitia, animique afflictioni.
Priori die vobis attuli præcipuas gaudii
mei causas in eunte Quadragesimā, die po-
steriori cœpi exponere causas doloris mei.
Ac primò, quod, cum in Quadragesimā res
multæ sint, præcipuaque in iis iejunium
existat, experientiā videmus illud non ob-
servari ob magnā Christianorum parte.

Secunda itaque doloris mei, ratione
Quadragesimæ, causa est, quod non tan-
tum pauci sint qui Quadragesimam obser-
vent quia iejunium non servatur, sed quod
ex iis qui iejunt, pauci admodum sint,
qui ex Quadragesimā, & ex suo iejunio
multum proficiant, quod ex multis causis
contingit, ut clare ostendam si mihi audi-
entiam præbeatis.

Et primò quidem, ut ab optimis incipi-
am; Nonne illud planè miserum est
quod optimi quique hoc tempus solum si-

D bidefi-

bi definiant pœnitentia, existimantes hoc quidem tempore sibi abstinentiam esse, ac temperandum: reliquo verò tempore omnia sibi esse permissa: non valentibus (inquit S. Chrysost. homil. 62. ad popul. Antiochen.) Quadraginta diebus, in omni tempore patrata, abluere; nam si gehenna non sufficit, cum si sempiterna; multò minus hoc breve tempus: nec enim validam exhibemus pœnitentiam sed infirmam: Et certè cum pœna sit productior quam culpa; ne ut ait S. Augustinus, si cum culpâ finiretur & pœna, levis culpa esse putaretur, longè maiorem pœnam de nobis sumere oporteret. Quid sint igitur 40. dies pœnitentia, ad reliquos totius anni, quos ferme in Dei offensâ consumimus? etiam si verò pœnam culpæ æquaremus, quam exigua esset nostra pœnitentia? iis præsertim hominibus, quibus non satis esset tota vita ad eluenda præterita?

Secundò, Quia cum Christiani illud tantummodo tempus sibi reservent ad agendum pœnitentiam; illud tamen tempus planè illis est indifferens, unde nulla in moribus mutatio nulla in vestibus, nulla in temperantiâ, nulla in conversatione, nulla in negotiis, nulla in precibus, nulla in operibus. Gaudebat olim S. Chrysost. homil. 2. in Genes. quod illo tempore omnia videret pacata, ac mensam Imperatoris non differre à mensâ pauperis. Nusquam, aiebat, hodie tumultus, vel clamor, vel carnium coctiones, vel coquorum discursus, omnia illa abierunt, & imitatur hæc Civitas honestam quandam, continentem, & sobriam matrem familiâs. & Basil. homil. 2. de Jeiunio. Observa mihi vultuum disserimen, tūm eorum qui hodie sub vesperam conspicientur, tūm eorum qui cras appa-

rebunt. Hodie tument rubore suffusi, sordore tenui rorantes, oculi humentes, præcipites, atque ob nebulam intus è stomacho exhalatam, exactè cernendi facultate privati: crastino verò die videbis eosdem vultus compositos, graves, colore naturali recepto, toto habitu præsentem animutu præse ferentes omnibus sensibus integris, ut pote quorum naturalibus actionibus nulla intus causa tenebras ostendit. Certè olim apud maiores nostros, cultus vestium deponebatur: Non tulit S. Ludios, ne in liberis quidem suis, ut totam Quadragesimam flores gestarent: ac ipse multos annos toro illo tempore cilicium non depositus. Seduti nunc vivimus, nulla plane mutatio nec in luxu, nec in expensis, &c. Exodi 33. Iam nunc depone ornatum tuum, ut sciam quid faciam tibi: deposuerunt ergo filii Israël ornatum suum à monte Horeb.

3. Quia ante jeiuniū, ea perpetrantur peccata, quibus eluendis totum Quadragesimale tempus non sufficiat: vide quid supersit reliquæ vitæ eluendæ? Et verò maxima planè insania est, ea committere, quæ deinde lugeas. Rom. 6. Quem ergo fructum habuisti tunc in illis, in quibus nunc erubescitis? Nam finis illorum mors est. Nonne melius esset non jejunare si per intemperantiam iatur ad jeiuniū? an non sufficiunt præteritæ vitæ excessus, atque delicta, quæ vix totam plangas Quadragesimam, ut nova peccata committas? præsertim cum tanta perpetrentur peccata: & tam debilis sit pœnitentia. Quæ vero ista est per intemperantiam; ad temperantiam via? per ebrietatem ad sobrietatem? Audi Basil. homil. 1. de Jeiun. Noli per largiorem vini potionem te ad aquæ potum præparare? ne te ad jeiunii mysteria introducat ebrietas, non est.

est per temulentiam aditus ad jejunium; quemadmodum nec ad justitiam iter est per fraudationem: nec ad sobrietatem per lasciviam, nec ut summatim dicam per malitiam ad virtutem. Aliud ostium est ad jejunium: ebrietas ad lasciviam inducit, ad jejunium frugalitas. Athleta ante certamen exercetur. Jejunator ad jejunandum temperantia preparatur: Ne velut ulciscens jejunii dies, nec veluti fucum facturus legis authori, in hos quinque dies, crapulae thesaurum reponito: stulte si quidem facis, si corpus conficias, nec tamen solatium esuritioni admoves. Ista infida penus est, cella, in pertusum dolium infundis, sit enim ut vinum perfluat ad suam recurrens viam, peccatum vero maneat in dolio. Hæc Basilius. Sed acrius etiam homil. 2. Improbum istud consilium est, prava cogitationa dicentium, quoniam nobis quinque dierum jejunium indicatum est, hodie nos ipsoz temulentia obruamus. Nemo pudicam uxorem legitimè ducturus, ante lucta, & concubinas inducit in ædes, neque enim coniux legitima partitur convictum contuberniumque domesticam stupro corruptarum: proinde ne cum expectatur jejunium, prius introducas ebrietatem, quæ est scortum publicum, quæ est impudentia mater, quæ risu gaudet, quæ insanit, quæ sordibus squallet temulentia: Neque enim jejunium, & precatio introibunt in animam temulentia marcidam. Etenim si cras venias vinum redolens, idque cruditate corruptum, ad putrefactum, quomodo tibi crapulam pro jejunio sim imputarus? neque enim illud cogita, quod inerum tibi recens infusum non est, sed quod à vino purus non es, hoc reputa: In utro ordine te collocabo inter ebrios, an inter jeju-

nantes? præterita vinolentia te sibi asserit, præfens inedia jejunium testificatur: ancepes, & velut controversum temulentæ mancipium, nec illa abs te abstinebit manuum iniectionem, idque optimo iure, quippe quæ manifesta servitutis argumenta proferat, odorem vini velut in lagenâ residentem. Hic protinus primus ieunii dies tibi reprobus fuerit, ob temulentæ reliquias in te depositas: quorum autem primitæ reiiciuntur, haud dubium quin in his quoque quod reliquum est sit reiendum. Ebrii regnum Dei non possidebunt. Si temulentus accedit ad jejunium quid utilitatis auferit? nam si te ebrietas excludit à regno cœlorum, quis deinceps è jejunio fructus? an non vides, quod qui in edam equis qui ad certamina aluntur, peritissimi sunt, cum instat certainis dies, eos inedia preparant. Tu contra studio temet ipsum deprimis saturitate, adeò ventris studio, bruta etiam animalia præcurris. Itaque recte advertit Chrysost. homil. 1. in Genes. Per temperantiam, & tenuitatem vietus fieti ad jejunium præparationem, non vero per gula dissolusionem. Nam si Medici (inquit) pharmaca dant, si volentes ut putridum & corruptum humorem expurgent, à corporali hæc voluptate abstinere præcipiunt, ut ita pharmaci efficacie desit obstaculum, & operari, suamque illa vim declarare possit: multò magis spirituale hoc remedium, hoc est utilitatem quæ ex jejunio est, suscepituris, tenuitate vietus, nostram mentem expurgate, & leviorē reddere convenient, ne ebrietate demersa, in frugiferam, & inutilem utilitatem, quæ ex illo est, efficiat. Quin etiam id apud multos fuit in usu, ut, ante Quadragesimam, inciperent ieunare, exercitatio-

nis causā: Acrefert S. Doroth. in lib. Jeiunis, multos ad septem hebdomadas iejunii; aliam adidisse, ut se ad iejunium Quadragesimæ præpararent, & velut ad labores ieuniorum exercenter. Hinc iudicare debemus de more illo diabolico Bacchanaliorum, ex quo sit ut omnis Quadragesimæ fructus pereat, in quem ita præclarè invehitur idem qui supra Basil. homil. 2. de Jejunio sub finem. Quemadmodum (inquit) qui longinquam profectionem adornant, compoununt sarcinas, & commatum parant, ita nonnulli vœcordes hodie adversus quinque dierum iejunium vino indulgent: Quis est usque adeò vesanus, ut priusquam bibere incipiat, ebriorum more deliteret an nescitis, quod venter depositum non servat: Venter conciliator est pessimæ fidei, penitus in custodiū, in quod cum multa reposueris, noxam quidem retinet, at non servat deposita. Vide ne tibi quoque si cras veneris cum ebrietate dicta sint ea, quæ sunt ex Isaia recitata. Non istud jejunium elegi, dicit Dominus. Quid misces ea quæ misceri non possunt? quod consortium temulentiaz cum iejunio, quæ societas vinolentiaz cum abstinentiaz? quis consensus templo Dei cum Idolis? templum enim Dei sunt, in quibus habitat Spiritus Dei: contrà, templum Idolorum sunt, qui per ebrietatem, vilem ac plebeiam admittunt intemperantiam. Hodie nus dies vestibulum est iejunii, quò profecto qui in vestibulo prophanatur, indignus est qui ad sancta introeāt. Nullus servus cupiens hero suo reconciliari, hostem illius patronum, ac reconciliatorem adhibet. Ebrietas inimica est Deo, iejunium pœnitentiae initium est: Itaque si cupis per confessionem reverti ad Deum, fugito temulentiam, ne magis abs te Deum alienet.

4. Quia priusquam veniat Quadragesima à multis timetur, perinde quasi supplicium esset, unde male ab illis excipitur, contra quam fieri oportuisset; quoniam enim legem habet iejunii, propterea tere in odio esse solet: sed audi Chrysost. homil. 1. in Genes. Quemadmodum castam quādam & ingenuam sponsam ducturi, thalamis undique tapetibus ornatis, domoque tota purgata, & ingressu omnibus inhonestis ancillis interdicto, in cubiculum illam introducunt: pari modo vellem etiam vos purificata vestra mente, valeque delitii, & voracitati dicto, matrem bonorum omnium, & pudicitia, aliarumque virtutum omnium magistrum, iejunium, inquit, explicitis vestræ mentis finibus suscipere, ut & vos maiori fruamini voluptate, & illud congruam vobis suam medicinam conferat.

5. Quod cum venerit, obseruetur cum tristitia, quod est contra legem iejunii. Tertull. lib. de Jejun. cap. 8. Præstituit exinde ieunii legem, sine tristitia iejunatus: Cur enim triste, quod salutare? alluditur ad Evangelicū præceptum Matth. 6. Quod pro themate accepimus. Cum jejunatis, nolite fieri sicut hypocrita tristes. Tu autem cum jejunias, unge caput tuum, & faciem tuam lava: Quæ verba sic exponit Basil. homil. 1. de Jejun. Sic igitur animis affecti sumus, quemadmodum sumus edocti, ac dies instantes haud quaquam tristi animo, sed alacri affectu illos excipiamus, sicut decet sanctos. Nemo deiecit animis coronatur, nemo mœrens trophæum statuit. Noli tristis esse dum curaris, absurdum fuerit si ob cibos subtraemos contristemur, ac non potius super animæ salute lætemur, sique videamus plus tribuere voluptati ventris, quam curæ mentis, &c. Unge caput tuum,

& fac-

& faciem tuam lava; ad mysteria te vocat sermo Dci: qui alios ungebatur, unctus est: qui lavabat, ablatus est: Verba præcepti fac ad interna membra accommodes: animam à peccatis ablue; unge caput unguento sancto, ut consortium habeas cum Christo, qui nomen haberet ab unctione, atque ita demum accedito ad iejunium. Et certè qui iejunium cum tristitia excipit, nihil illi iejunium proficit, itaque duplex damnum incurrit, & corporis, & spiritus: ac præterea sicut cibus non libenter sumptus, nauseam parit, ac non proficit, ita quoque iejunium: quod animæ alimentum vocat Chrysost. Unge itaque caput tuum, lava iejunatus, non tantum ut dissimiles iejunium, sed multò etiam magis ut gaudium ostendas de iejunio. Ad hæc ut intelligas iejunium esse animæ prandium, atque convivium, ad quod te præpates unctione, & ablutione. Denique ut scias non minores esse in iejunio, quam in epulo delicias: ut enim ait Chrysost. homil. x. in Genes. Quanto externus homo noster corrumperit, tanto internus innovatur: Jejunium enim animæ nostræ alimentum est, & sicut corporalis iste cibus impinguat corpus, ita & iejunium animam efficit habiliorem, & valentiorum.

6. Quia cum iejunium sit actus virtutis, & consequenter ad finem aliquem honestum ordinari debeat, non tamen ita fiat; unde nullus planè fructus existit. Certè quidem si iejunium in universum spectemus, S. Anastasius Antiochenus in libro quem appellat, in quest. 64. duplum ait esse eius scopum: unus est dura corporis tractatio & mortificatio: ut non fruentes præsentibus voluptatibus, fruatur æternis. Alter ut humiliato corpore

simul anima humilieatur: humiliata autem Deum oret, & veniam imperire. Tertull. lib. de cultu Mulierum. Quidam (inquit) ipsam Dei creaturam sibi interdicunt abstinentes à vino, & animalibus, exulantes (id est abstinentes) ab eru carnis, quorum fructus (inquit) nulli periculo, aut sollicitudini adiacent, sed humilitatem animæ suæ in virtus quoque astigatione Deo immolant. Quod ad humilationem attinet, hic fuit etiam sensus Davidis, humiliabam in iejunio animam meam: At passim in scriptura dicitur de iejunio, Affligatisque animas vestras. Uti Levitici 16. & 23. cap. Apostolus Paulus duplum illum finem conangit cap. 2. Epist. ad Coloss. humilitatem, & carnis afflictionem, cum ait; In humilitate, & non ad preceendum corpori, &c. ad saturitatem carni. S. Thomas 2. 2. q. 147. art. 1. docet ad tria maximè iejunium ordinari. Primo ad concupiscentias carnis repudiandas: Unde apostolus, in iejunio & Castitate. Quia ex Hieronymo, sine Cerere, & Baccho friget Venus Tertull. lib. de Jeuniis. Monstrum haberetur libido sine gula. Specta corpus, una regio est: Denique pro dispositione membrorum, ordo vitiorum: Et Isidorus Pelusiota lib. 2. Epist. 178. ait ad libidinem compescendam præstantissimum remedium situm esse in iejunio. Secundo. Ut mens facilius elevetur ad sublimia contemplanda. Tertio. Ad satisfaciendum pro peccatis. Unde Propheta Joël Converimi ad me, in toto corde vestro, in iejunio, & fletu, & planctu. Ac Ninivitæ cum Prædicacionem Pœnitentiæ audissent, statim intellexerunt sibi iejunandum; itaque Ecclesia canit in præfatione Missæ in Quadragesima. Qui corporali iejunio, vitia comprimis, mentem elevas, virtutem largiris, & pra-

D. 13 mia,

mia. Quod si spectemus jejunium Quadragesimæ, præter communes illas rationes supradictas, quæ hoc tempore aliquid habent præcipui; hanc rationem assignat S. Chrysostomus in homil. de Jejunio priimi Paschæ. Multi (inquit) accedebant olim ad mysteria ἀπλωτῶν, οὐδὲ τευχεῖ. Ideo non præparati, eo præsertim tempore quo Christus tradidit semetipsum: Quare cum Patres (intelligit Apostolos) intelligearent, secumque reputarent incommodum, & detrimentum ex negligenti illo accessu, congregati sanxerunt quadragesinta dies jejuniū: precationum, auditiois verbi Dei, conventus ad Ecclesiam, ut his diebus purgati omnes diligenter, per preces, per eleemosynas, per jejunium, per vigilias nocturnas, per lacrymas, & confessionem, & per cætera alia, sic pro viribus nostris, cum purâ conscientiâ accedamus.

Sed quam pauci sunt, qui fines jejuniū attendant, quam pauci qui ex virtute jejunent; cum tamen omnis actus virtutis requirat finem honestum, ac debitam illius intentionem, & certas circumstantias, secundum quas observetur: Jejunant quidem plerique negativè, quia non violant jejunium, sed non jejunant positivè, ex motivo virtutis. Unde etiam nihil merentur jejunio suo, neque per illud suis peccatis satisfaciunt: Itaque dicere possunt, quod scribitur Isaie 58. Quare jejunavimus, & non aspergimus: Humiliavimus animas nostras, & nescisti? Quibus ita respondit Dominus, Zeph. 7. Cum jejunaretis, & plangereis in quinto, & septimo, numquā dū jejunum jejunasti mibi?

7. Quod cum in Quadragesimā non tantum continetur jejuniū obligatio, sed etiam virtutum omnium, atque bonorum

operum opportunitas, hæc pars omnino plerisque omittatur, qui putant se suæ obligationi plenè satisfecisse, si jejunant, cum hæc sit pars fere minima: ut hoc bene intelligatur: Adverte hæc tria coniungi fere solita esse, Jejunium, Orationem, atque Eleemosynam, secundum illud Tobiae 12. *Bona est Oratio, cum Jejunio, & Eleemosyna.* Nomine Jejunii comprehenduntur omnes corporis afflictiones, cilicia, disciplinæ, humicubationes, vigilæ, & similia, quæ olim in usu, tempore Quadragesimali, Ita pœnitentiæ publicè eo tempore, magis usurpatæ: & in aditu quatuor dam Ecclesiarum virgines proponuntur. S. Ludovicus totam Quadragesimam cilicum non deponebat nisi ad verberationem quam saepius adhibebat. Nomine autem Orationis comprehenduntur actiones internæ, & devotio, & preces prolixiores, maiorque diligentia in divino cultu. Nomine autem Eleemosynæ omnia opera misericordiæ. Ita Sancti Patres dicunt. Quod ventri subtrahitur dandum esse pauperi. Jejunium itaque Orationem adiuvat, atque Eleemosynam, quia mentem sublevat, & facultatem dat pauperes nutriendi: Oratione vero utrumque adiuvat, Jejunium, & Eleemosynam, quia dirigit intentionem, & gratiam ad utrumque impetrat: Eleemosyna vero jejunium facit utile, & orationem adiuvat. *Quia beati Misericordes, quoniam ipsi misericordiæ consequuntur:* Quoniam vero hæc in Quadragesima usurpari debent, propterea initio nobis illud Evangelium proponitur, in quo dantur præcepta faciendi bona opera, ne scilicet jaçtantia, & vanitas, opera bona corrumpan; atque ut intelligas, quod initio proposui, Quadragesimam à paucis observari: Hæc fere omnia

ab hominibus sunt obliterata : quis enim jam usus pœnitentiarum, cùm ne instrumenta quidem appellare sciunt, omnemque usum eatum ad Religiosos reiiciat, perinde quasi sacerdotes pœnitentia non egerent, neque ad omnes Quadragesimale Institutum pertineret? Quid dicam de usu orationis? quām pauci faciunt, quid de leemosynis? quæ aut parciūs suūt, aut ad malos fines dirigūt, ad animas perdendas, aut ad vanitatem.

8. Quod pauci intelligent, illud in Quadragesimæ observatione præcipue esse spe, etandum, ac requiri, ut à vitiis abstineatur: Nam, ut ait Basilius homil. 2. de Jejunio Verum jejunium est à vitiis immunem esse, continentia linguæ, iræ cohibitio, concupiscentiarum amputatio, obtræctionis, mendacii, periurii, ab his abstinere verum est jejunium. Et fuisus homil. 1. Cave ne jeuniū utilitatē, sola escarum abstinentia metiari: verum enim jejunium est ab omnibus vitiis esse alienum: Solve omne vineulum iniquitatis, condona proximo, si quid dolet animo, remitte illi debita. Nolite ad contentiones ac lites jejunare: Carnes non edis, sed comedis fratrem tuum: à vino abstines, sed ab iniuriis tibi non temperas? Expeetas vesperam, ut cibum capias, sed diem totum absumis apud tribunalia. Væ iis qui ebrii sunt non à vino; Ira mentis, est temulentia, eamque à sobrietate exēxit, haud aliter quam vinum. Quis & dolor, temulentia, metus est, quoties ad ea fertur, ad quæ non oportet? In summâ quivis effectus dimovens animum à statu suo, meritò dicitur ebrietas. Idem iudicavit Chrysost. homil. 73. ad popul. Antioch. Non secundūm multos, temere conseamus, in hoc contineri jejunium, si-

sine cibis ad vesperam usque permaneamus: Non est hoc quod quæritur hīc, sed ut cum ciborum abstinentia, à noxiis, quoque continentiam exhibeamus, & circa spiritualium exercitationem, multum impendamus studium: Jeiunantem decet esse correptum, mitem humilem, præsentis vitiæ despicientem gloriam, sicut cibos aspernatus est, sic & inanem gloriam floccipendat oportet, & ad illum respiciat solum, qui corda scrutatur, & renes. Sed supra omnes Ista cap. 58. Numquid tale est jejunium quod elegi, per diem affigere hominem animam suam? Numquid contorquere quasi circulum, caput suum, & saccum, & cinerem sternere? Numquid istud vocabis jejunium, & diem acceptabilem Domino? Nonne hoc est magis iejunium quod elegi: dissolve colligationes impietatis, solve fasciculos deprimentes: dimitte eos qui confracti sunt, liberos, & omne onus disrumpere: Frange esurienti panem tuum, & egenos, vagosque inde in domum tuam: cùm videris nudum, operi eum, & carnem tuam ne despixeris. Sed si in saeculi nostri mores octulos coniiciamus, quis hoc tempore modestior, quis temperantior, quis melior? Longè enim satius fuisset, mores, quām cibos, aut mensam mutare: melius jejunare à vitiis quām à cibis: neque enim tantum lingua peccavit edendo, sed etiam loquendo: peccarunt oculi, peccarunt manus, & pedes: itaque illis, (ut ait Bernardus) tam jejunandum est, quam ore, atque lingua. Quoniam igitur hæc passim negliguntur, hinc meritò dixi, Quadragesimam ab illis vix observari; itaque Quadragesimæ adventum maximum me anxiū habere atque sollicitum, cùm nihil ex ipsa homines proficiant, & id mitius attendant quod præcipuum est.

Hinc sequitur tertia causa doloris mei,
quod

quod hæc ratione, hominum salus ferè de-
sparata sit quoddam non meliores existant
optimis institutis. Quid enim est melius,
quid sanctius hoc tempore? in quo primò
non licet nisi cum pudore, & difficultate
esse improbum: secundò, in quo facultas
præbetur atque opportunitas bonis ope-
ribus, & tollitur difficultas, quæ oritur ex
earum rerum insolentiâ: uti enim florere
arbores verno tempore, atque gemmas
trudere, nemo miratur: ita nemo novum
esse ducet Quadragesimæ tempore, quod
quis bonis operibus indulget. Item com-
pescitur concupiscentia, & modestia imperatur,
in habitu, in mensâ, in risu, & ioci-
cis. Non sinebat S. Ludovicus filios suos,
nec filias, diebus veneris flores gestare,
quod eo die Christus passus fuisset: sicut
nec totâ Quadragesima. Ita unusquisque
sibi imperare debet modestiam hoc tem-
pore. 3. Ubi prior est atque liberior divini
verbi prædicatio. 4. Maxima Sacra-
menta celebrantur, & summa, atque divinissima
fidei nostræ mysteria. 5. Ipsius Ecclesiæ ha-
bitus lugubris nos monet, & apparatus
pœnitentiae: ipsa altaria, ipsi parietes, can-
tus, verba Scripturæ, Sacerdotum vestes,
& ceremoniae. 6. Vel sola Evangeliorum
coordinatio ad perfectionis viam optimè
accommodata. Ex quibus omnibus si quis
piam melior non fiat, nescio quid tandem
esperandum super sit. Quando enim eris
castus, quando temperans, quando mode-
stus, quando misericors, quando humilis,
quando iniurias condonabis, nisi hoc tem-
pore id facias? quando res terrenas despi-
cies, quando præteriorum te pœnitebit,
quando te ad pœnitentiam damnabis, nisi
isto tempore? Obstupecite cœli super hoc, &
porta cœli de solamini. Quod sit dilectissimi, ut

vos etiam, atque etiam rogem; ut hoc la-
cro tempore vetera eluantur, præsentia
disponatis, futura nobis promissa, aut no-
bis proposita, certa faciamus.

Vos itaque primum alloquor, ô Sacer-
dotes ut sedulò impleatis, quod de vobis
initio iejunii canit Ecclesia, post Joëlem
Prophetam cap. 2. Inter vestibulum, & ala-
replorabunt Sacerdotes, ministri Domini, &
dici: parce Domine, parce populo tuo.

2. Te, popule Christiane, ut intelligas,
te nunc singulariter esse Christianum, id-
que moribus ostendere debere: Chrysost.
homil. 1. in Genes. Confundantur Gentili-
les, erubescant Judæi, videntes vestram
charitatem, hilari promptitudine iejunii
adventum salutantem, atque excipientem,
discantque per experientiam, quantum in-
ter nos sit, & ipsos intervallum. Et illi qui-
dem ferias, nominent ebrietatem, om-
nemque aliam intemperantiam, ac turpi-
tudines, quas verisimile est inde ipsos at-
trahere: at Ecclesia Dei ea quæ illis adversa
sunt, nempe iejunium, ventris despectum,
& omnes alias Virtutes illius comites, fe-
rias appeleret. Hæc Chrysostomus.

3. Vos Catholici atque Hæretici: illos
quidem ut, sciant Quadragesimæ obser-
vantiam partem esse Religionis: hos vero
ut discant qua tandem in Religione ver-
sentur, quæ omnia præclara instituta pes-
simus dedit. Itane verò hæc est Ecclesiæ re-
formatio, tot seculis confirmaram absti-
nentiam tollere, ac ventris patrocinum
suscipere? legant sanctos omnes Patres,
quorum nullus de solemnî ieunio tacuit.
Dicere non possunt novum esse institu-
tum, cùm ob eius antiquitatem dicat S.
Basilius eius canitiem esse venerandam:
Ad hæc, conqueri non possunt esse Ro-
manæ

manæ Ecclesiæ tyrannidem, cùm apud Græcos austeriùs ac rigidius observetur: Immò cùm ab omnibus ut idem ait Basilius, & insulis, & terris, & nationibus, & æstatibus accipiatur. Cur isti soli ab ea lege se exemerunt? Sed placet illis ciborum *adiaphora*, ut nimirūm candem indifferētiam servent in cibis quam in rebus reliquis, tanquam, Simonis, *Adiaphoristarum principis imitatores*.

4. Vos pauperes, & divites, illos quidem, ut orent, ac patienter ferant divitum immanitatem, hos autem, ut misericordiæ operibus vacent: De jejunio vero audite quomodo vos ambo admoneat Basilius homil. 2. de Ieiunio. Excipite hoc pauperes, contubernale vobis, ac mensæ socium: Excipite divites, quod noxæ è luxu contractæ medeatur: quodque vicisitudine & novitate vobis jucundiora reddat ea, quæ nunc assiduitate fastidiuntur.

5. Iejunantes, & non jejunantes: illos ut se humilient, quia hic est habitus jejunantis: hos vero quoniam ieiunij non sunt capaces: Illos, ne ob vanam gloriam jejunent, ne ut ait Chrysost. homil. 71. ad pop. Antioch. & impensam patiantur, & mercede priventur. Hos verò quia non jejunant, jejunij defectum, aliis operibus compensent: Illos ut intelligent, non sibi tantum jejunandum à cibis, sed potissimum à vitiis. Hos verò, ut pluris faciant voluntatem jejunandi, quàm necessitatem.

6. Infimos, & sanos: illos ut pro ejunij labore modestè ferant infirmi-

tates, & si corpore non possunt, saltem mente jejunent: audiant Chrysost. homil. 2. in Genes. Si tibi corpus infirmum ad continuè jejunandum, non tamen est infirmum ad orandum, nec ad ventris despectum imbecille: nam si jejunare non potes, potes tamen abstinere delitiis: hoc autem nō minimum est, nec à jejunio multum distans, sed ipsum quoque Diaboli furorum prosternere idoneum. Hos verò, ut sanitate utantur, ut Deo obsequantur. Gaudeant se sanos esse, non propter sanitatem, sed propter commoditatem obediendi legi: Ambo verò audiant Basilium homil. 2. de jejunio. Excipite malè valentes, sanitatis matrem: Qui bonâ estis valedidine, excipite bonæ habitudinis custodem.

7. Qui Conciones frequentant, & qui non frequentant: Illos quidem ut alios doceant: hos verò ut ab alijs discant, atque interrogent. Illos ut audiant Chrysost. homil. 73. ad pop. Antioch. ubi docet Quadragesimæ tempore non tantum ad Ecclesiam conveniendum ut instruamur, sed plane desiderari ut emendemur: Nam (inquit) si continuæ vacantes audiotioni, tantamque consequentes doctrinam, & à jejunio subsidium habentes, si ijdem permaneamus, nec iracundus mitis efficiatur; nec animosus mutetur in mansuetum; nec in benignitatem invidus se reducat, neque pecuniarum captus insaniā, à vito desistens, ad misericordiam, & pauperum se transferat sustentationē; nec impudicus continens euadat: nec

inanis gloriæ stupidus amore , discat
eam contemnere , verāmque perqui-
rere gloriam ; neque circa proximi
charitatem segnis exurgere seipsum
doceat , ut non solū Publicanis non
sit inferior , sed etiam inimicos beni-
gnè conspicari , & multam eis chari-
tatem exhibere : Nisi hos superemus
morbos , & alios in nobis nascentes ,
quæ nobis erit venia ? Quæ autem
excusatio ? Dic enim quæso , si tuum
videas filium quotidie scholam peten-
tem , & tempore progresso , nihil am-
plius inde lucratem , nunquid pati-
enter feres ? Nonne & flagella puerο
infliges , & præceptorem accusabis ?
postea si didiceris , quod à præcepto-
re quidem omnia facta sunt , & præ-
termisum est nihil , sed omnium cau-
sa fuit pueri negligentia , nonne cul-
pa liberans præceptorem , omnem in
puerum transferes indignationem ?
Idem & hic fieri justum est : Nos enim
quodammodo à divinā gratiā sumus
constituti , quasi spiritales filios ad
hanc scholam quotidie vocantes , salu-
tarem vobis doctrinam apponimus :
itaque si nobis omne studium , & se-
dulitatem exhibentibus , & quotidie
vos ad virtutis ducentibus semitatem ,
vos in iisdem permantis , & quantus
nobis erit dolor , & vobis , ne quid
amplius dicam , quanta damnatio ,
cogitate . Hos vero , ut quoniā con-
cionibus interesse non possunt , se fal-
tem , aut libris instruant , aut exem-
plis , ac Deum intus loquentem audi-
ant . *Hodie enim si vocem ejus audieritis ,
nolite obdurare corda vestra , &c.*

8 Peccatores , & Iustos : Illos ut e-
leemosynis peccata sua redimant , ac

tempus pœnitentiæ elabi non finant .
Tempore enim accepto exaudi vi te , *Et in die*
salutis adjuvi te : Ecce nunc tempus accep-
tabile , ecce nunc dies salutis : Ioēlis 2.
Nunc ergo dicit Dominus . Convertimini
ad me in toto corde vestro , in jejunio ,
fletu , & planu ; Et scindite corda vestra ,
non vestimenta vestra , *Convertimini ad*
Dominum Deum vestrum , quia benignus ,
& misericors est : patiens , *& multæ miseri-*
cordiae & præstabilis super malitiā . Qui scit
si convertatur & ignoscat Deus , *Relin-*
quat post se benedictionem ? Hos verò ut
quoniā hoc tempore ; etiam perdi-
tissimi , bonis operibus vacant , ipsi
multò magis virtuti sese addicant ; ita
ut , si alio tempore sese ab illicitis ab-
stinent , certè hoc tempore , etiam à
licitis abstineant : neque sint contenti
ordinarijs , & communib[us] virtutum
officijs : sed majora faciant , & sese
tempori accommodent .

9 Ad Pœnitentes , ad Proficientes ,
ad Perfectos , mea sese convertit Ora-
tio . Ad primos quia tempus pœni-
tentia est . Ad secundos , quia hæc
est opportunitas virtutum , & bono-
rum operum . Ad ultimos , ut sese in
Christum patientem , summarum vir-
tutum exemplar transforment .

10 Ad Conjugatos , ad Viduas , &
Virgines : ad primos , ut si partes con-
fenserint , sæpius contineant . Certe
Nicolaus Pontifex præceperat Bulga-
ris ut totam Quadragesimam contine-
rent . Id facere solitus erat S. Ludovi-
cus : Et quia præcepit Apostolus id a-
liquando fieri , ut vacent orationi ,
cum hoc tempus sit omnium optimum
ad ortionem , nullo tempore utilius
id esse potest . Viduæ autem habeant
pro

pro conjugē , luctū ; atque imitentur Ecclesiæ solitudinem & secessum. Et quia hoc tempore , Nuptiarum solemnitas prohibetur , cogitent quomodo Christi mortem lachrymis prosequi debeant : Virgines autem sese supra consuetudinem custodiant , atque Christo suo sposo configurentur , spinas habeant pro floribus , & rosis : fel pro melle , acetum pro delitiis , cineres pro pane , crucē pro lectō , &c.

Atque ut neminem præteream , Cogitet impius , liber , ac effrænis homo usquequò perveniat suæ impietatis opus , ut si his diebus non resipiscat , necesse sit , ut contra totius naturæ sensum depugnet : audiat superbus , humiliato Deo , fastum esse abiendum . *Jam nunc depone ornatum tuum , ut sciam quid faciam tibi.* Cogitet gulæ deditus , quod ait Basilius homiliâ de jejunio . Vide ne qui nunc aquam respuis , in posterum exemplo divitis illius stillam aquæ concupiscas . Norit avarus non debere se , ad parcitatem jejunare , sed ad liberalitatem , & ad pauperum sublevamen : parum prodesse si esuriat , nisi ejus esuries pauperem reficiat .

Quid verò ad te , homo turpis , & lascivè , num tandem finem impones turpitudini tuæ ? Vide quot te remedia sanent , aut sanare debeant : abstinentia , corporis afflictiones , mulierū modestia , risus immoderati compressio , quotidiana concio , silentium , solitudo , Confessio frequentior , tot in Evangelii exempla , Meditatio Passionis Christi , sanguinis ipsius pretium , exemplum divitis epulonis , Magdalenaë conversio . Quis jam tot

rebus resistere impunè potest ? quis tā perditus animus , quod tam ferreum pectus obniti in contrarium potest ? Ionas in urbe Ninive pœnitentiam prædicavit : Quid verò suā prædicatione non perfecit ? Sed quot hominū millia convertit , quot peccatores ? crimine ab uno , disce omnes . Cogita unum Sardanapalum , delitiis corruptum , sola concionis relatione commotum , & conversum : at , bone Deus : ad quam pœnitentiam , ad quod jejunium ? quo non tantum viri , sed & mulieres , & pueri , parum est , sed & jumenta jejunarunt . Non quòd Deus id requireret , (ait Beatus Cyrius in Jonam) aut quòd necesse erat ut fieret ; sed quia (inquit) sic demonstrata est hyperbole , ut ita dicam , pœnitentiæ illorum , id est exuberantia : facta est autem mentio animalium , non propter animantes : nam , ut ait Sanctus Paulus : Numquid de bobus cura est Deo ? sed docuit Scriptura , stolidiores esse pecudibus , qui jejunium reiicerent ; cùm licuerit etiam animalibus jejunium indicere : si ve quia erant ad hominum usum comparata , ait Theodorus Antiochenus , Commentario in Jonam : sive , ut mugitu eorum & balatu , uti advertit Theodoreetus , commoti homines , magis , ac magis dolerent . Quid igitur nos , post tantas admonitiones facere convenit , nisi ut pœnitentiam amplectamur , ornatum omnem deponamus , delicias , & jocos abiicamus , jejunium assumamus , ac vitia nostra relinquamus : quod præstare nobis dignetur gratiâ suâ Iesus Christus Dominus noster . Amen .